

UGOVOR

o pružanju usluga obaveznog i kasko osiguranja službenih vozila SERDA d.o.o. Sarajevo (sa uslugama tehničkog pregleda i produženja registracije istih)

1. **Sarajevska regionalna razvojna agencija SERDA d.o.o. Sarajevo**, Kolodvorska 6, koju zastupa direktor dr. Ševkija Okerić, (u daljem tekstu: Osiguranik), i
2. **„SARAJEVO OSIGURANJE“ d.d. Sarajevo**, ul. Maršala Tita 29, Sarajevo, koga zastupa direktor Arif Kulić, (u daljem tekstu: Osiguravač)

Član 1.

Predmet ovoga Ugovora je pružanje usluga: LOT 1- obavezno i kasko osiguranje službenih vozila SERDA: Škoda Octavia AM 1.6 MPI, Renault Fluence 1.6, Renault Fluence 1.5, Volkswagen Golf TDI 1.6 (sa uslugama tehničkog pregleda i produženja registracije istih), a prema ponudi Ponuđača br: 01-988/18 od 20.03.2018. godine

Član 2.

Ukupna vrijednost ponude iznosi 3.973,09 KM sa PDV-om, odnosno 3.922,35 bez PDV-a, i to:

-za vozilo **Škoda Octavia AM 1.6 MPI** visina premije za obavezno auto osiguranje iznosi 289,00 KM, osiguranje od auto nezgode i zeleni karton 4,10 KM i visina premije za kasko osiguranje 400,30 KM što ukupno iznosi 693,40 KM, dok troškovi registracije sa uslugama tehničkog pregleda iznose 259,84 KM sa PDV-om

-Za vozilo **Renault Fluence 1.6** visina premije za obavezno auto osiguranje iznosi 289,00 KM, osiguranje od auto nezgode i zeleni karton 4,10 KM i visina premije za kasko osiguranje 386,70 KM što ukupno iznosi 679,80 KM, dok troškovi registracije sa uslugama tehničkog pregleda iznose 257,59 KM sa PDV-om

-za vozilo **Renault Fluence 1.5** visina premije za obavezno auto osiguranje iznosi 263,00 KM, osiguranje od auto nezgode i zeleni karton 4,10 KM i visina premije za kasko osiguranje 420,10 KM što ukupno iznosi 687,20 KM, dok troškovi registracije sa uslugama tehničkog pregleda iznose 263,08 KM sa PDV-om

-za vozilo **Volkswagen Golf TDI 1.6** visina premije za obavezno auto osiguranje iznosi 289,00 KM, osiguranje od auto nezgode i zeleni karton 4,10 KM i visina premije za kasko osiguranje 546,00 KM što ukupno iznosi 839,10 KM, dok troškovi registracije sa uslugama tehničkog pregleda iznose 293,08 KM sa PDV-om

Član 3.

Uz obavezno osiguranje motornih vozila osiguravač će u AO polise osiguranja, uključiti osiguranje putnika i vozača od posljedica nesretnog slučaja (nezgode), sa slijedećim sumama

- Smrt usljed nesreće 5.000,00 KM
- Trajni invaliditet 10.000,00 KM

Član 4.

Osiguravač se obavezuje da za sva vozila Osiguranika:

1. Ispostavi policu osiguranja iz automobilske odgovornosti i od auto nezgoda,
2. Ispostavi policu osiguranja za auto kasko osiguranje,
3. Obezbjedi besplatnu stručnu pomoć kod šteta koje su obaveza drugih osiguravajućih društava (posredovanje, procjena, ugovaranje, naplate)
4. Obezbjedi stručne kadrove (procjenitelje) koji će se u slučaju nastanka štete doći na lice mjesta tj. gdje se vozilo nalazi,
5. Obezbjedi brzi i djelotvoran uviđaj, procjenu štete i saniranje štete putem ovlaštenog servisera na teret osiguranja čija je to obaveza,
6. U slučaju eventualnih štetnih događaja, po kompletiranju predmeta, izvršiti obračun, likvidaciju i isplatu u što hitnijem roku.

Osiguravač se obavezuje da za potrebe Osiguranika:

1. Izvrši registraciju i tehnički pregled službenih vozila. Registracije službenih vozila ističu:

- a) Renault Fluence: 26.05.2018. godine
- b) Renault Fluence: 28.03.2018. godine
- c) Škoda Octavia: 29.08.2018. godine
- d) Golf TDI: 29.05.2018. godine

2. Dostavi PU (policijskoj upravi) svu dokumentaciju motornih službenih vozila,

3. Za sva vozila izvrši tehnički pregled,

4. Preuzme i dostavi saobraćajne dozvole za motorna službena vozila u službu osiguranika.

Član 5.

Osiguranik je u obavezi platiti Osiguravaču premiju osiguranja za svaku izdatu polisu osiguranja AO-a, koja će dospjevati na temelju izdatih polisa AO-a.

Ukupnu navedenu premiju Osiguranja po osnovu izdate fakture, Osiguranik će platiti odmah po ispostavljanju fakture.

Premija osiguranja za KO će se fakturisati odmah po potpisivanju ugovora, a plaćanje će se izvršiti u 12 mjesečnih rata.

Uplatu premije osiguranja Osiguranik će vršiti na transakcijski račun Osiguravača, broj: 1990490106232022 kod SPARKASSE Bank dd.

Osiguraničnik je u obavezi platiti Osiguravaču za izvršene usluge registracije i tehničkog pregleda za svako predmetno vozilo nakon izvršene registracije i izdate fakture. Uplatu tehničkog pregleda i registracije predmetnih službenih vozila Osiguraničnik će vršiti na transakcijski račun Osiguravača, broj: 1990490106232022 kod SPARKASSE Bank dd.

Član 6.

Ovaj ugovor se primjenjuje od 30.03.2018. godine i traje do 30.03.2019. godine, odnosno po skadencaru za osiguranje AO.

Osiguravač nema pravo zapošljavanja, u svrhu izvršenja ugovora o nabavci fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, 6 mjeseci po zaključenju Ugovora.

Član 7.

Sve eventualne izmjene po ovom ugovoru, regulisat će se Aneksima ovog Ugovora.

Član 8.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja ili otkazom jedne od ugovornih strana zbog nepoštivanja odredbi Ugovora.

Obavijest o otkazu mora biti u pismenoj formi i otkazni rok iznosi 30 dana i počinje teći od dana prijema pismene obavijesti o otkazu Ugovora.

Ukoliko se sporazumno rješenje ne postigne, nadležan je sud u Sarajevu.

Član 9.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog Ugovora je Ponuda iz člana 1. ovog Ugovora.

ZA OSIGURAVAČA:
DIREKTOR

Arif Kulić

Broj: 01-1290/18
Dana, 30.03.2018.

ZA OSIGURANIKA:
DIREKTOR

dr. Ševkija Okerić

Broj: 46-40/18
Dana, 30.03.2018.